



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/04-11-2557-3/22
Sarajevo, 13.05.2022. godine

Na osnovu člana 70. stav (1) Zakona o javnim nabavkama BiH ("Službeni glasnik BiH", broj: 39/14), a u vezi sa članom 38. Statuta Grada Sarajeva ("Službene novine Kantona Sarajevo", broj: 34/08 - Prečišćeni tekst), gradonačelnica Grada Sarajeva donosi:

ODLUKU
o izboru najpovoljnijeg ponuđača putem Konkurentskog zahtjeva

I

Prihvata se ponuda ponuđača IBIS d.o.o. Zavidovići, ul. Husein kapetana Gradašćevića b.b. 72 220 Zavidovići, broj ponude: 66-01-IB/22 od 14.04.2022. godine, za javnu nabavku „Izrada Elaborata geodetskog snimanja riječnog nanosa u koritu rijeke Miljacke“ u postupku provođenja javne nabavke putem Konkurentskog zahtjeva.

II

Sa ponuđačem „ IBIS “ d.o.o. Zavidovići, zaključit će se ugovor o pružanju usluge iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj: 01/04-11-2557-1/22 od 24.03.2022. godine pokrenut je postupak javne nabavke: „Izrada Elaborata geodetskog snimanja riječnog nanosa u koritu rijeke Miljacke“ putem Konkurentskog zahtjeva. Obavještenje o nabavci objavljeno je na portalu Agencije za javne nabavke broj: 1278-7-2-36-3-76/22 dana 07.04.2022. godine.

Sa portala Agencije za javne nabavke tendersku dokumentaciju preuzelo je 17 ponuđača.

U određenom roku za dostavljanje ponuda na protokol ugovornog organa zaprimljene su 2 (dvije) ponude i to:

IBIS d.o.o. Zavidovići i RADIS d.o.o. Istočno Sarajevo.

Stalna komisija za javnu nabavku imenovana Rješenjem gradonačelnice broj: 01/04-11-419/22 od 18.01.2022. godine, odnosno Rješenjem o izmjeni Rješenja broj: 01/04-11-419-2/22 od 01.02.2022. godine izvršila je javno otvaranje ponuda dana 18.04.2022. godine.

Nakon otvaranja ponuda izvršena je detaljna analiza prispjelih ponuda, te je utvrđeno da su oba ponuđača dostavila ponude u skladu sa tenderskom dokumentacijom, odnosno uslovima koji su navedeni u istoj.

Komisija je utvrdila cijene prispjelih ponuda, redoslijedom kako su zaprimljene na protokol ugovornog organa i to kako slijedi:



1. IBIS d.o.o. Zavidovići.....5.982,00 KM bez uračunatog PDV-a;
2. RADIS d.o.o. Istočno Sarajevo ...4.700,00KM bez uračunatog PDV-a.

Obavještenjem o nabavci kao i tenderskom dokumentacijom u ovom postupku nabavke, ugovorni organ je predvidio provođenje **e-aukcije** putem Agencije za javne nabavke za ponuđače koji su dostavili prihvatljive ponude odnosno ponude u skladu sa tenderskom dokumentacijom.

Prije provođenja e-aukcije, a u skladu sa Uputstvom za pripremu modela tenderske dokumentacije i ponuda, i to člana 17. stav 7. kojim se predviđa da: ugovorni organ obavezno od ponuđača traži objašnjenje cijene ponude koju smatra neprirodno niskom, Komisija za javne nabavke je ponuđaču RADIS d.o.o. Istočno Sarajevo uputila poziv od 20.04.2022. godine za pojašnjenje neprirodno niske ponuđene cijene.

Pojašnjenje je dostavljeno u skladu sa rokom traženim od strane Komisije - 26.04.2022. godine.

RADIS d.o.o. Istočno Sarajevo dostavio je opravdanje ponuđene cijene navodeći da je: „Blizina samog sjedišta firme i dostupnost, tenderskom dokumentacijom zahtjevanih tehničkih lica, predstavljaju izuzetno pogodne uslove jer su troškovi vezani za dnevnicu (terenski rad) smanjeni. Stoga, izvršenje eventualno zaključenog ugovora za navedenu cijenu ne bi predstavljalo neracionalan izdatak ili problem za poslovanje firme, što ponudu čini ekonomski opravdanom“.

U obrazloženju se dalje navodi da će za ponuđenu cijenu odgovoriti kvalitetnom izradom predmetnih usluga jer firma broji 138 (stotinu trideset osam) zaposlenih radnika, od kojih je veliki broj visokoobrazovanih, imaju tradiciju dugu preko 30 (trideset) godina, te bogato iskustvo na istim ili sličnim predmetnim uslugama. Posjeduju veliki broj preporuka, koje dokazuju uspješno realizovane projekte te čvrsto stoje iza navoda da će za ponuđenu cijenu odgovoriti kvalitetnim vršenjem predmetnih usluga.

Osnova rezultata tržišnog poslovanja je ekonomičnost koja se sagledava u prednosti koju omogućava lokacija pružanja usluge kako je već i navedeno, obzirom da je sjedište firme u Istočnom Sarajevu, a posjeduju poslovnu jedinicu i u Banja Luci što omogućava efikasnu podršku u pružanju usluga sa aspekta smanjenja ukupnih troškova.

Izabrana tehnička rješenja se reflektuju na troškove usluga koje su predmet nabavke, a pružanje njihovih usluga počiva na provjerenim tehničkim rješenjima koja omogućavaju efikasan pristup u rješavanju predmetnih usluga. U skladu sa obavezom za sprovođenje svih elemenata zaštite na radu, koja uključuje primjenu od lokalnih do generalnih propisa i standarda, u svakom trenutku pružanja usluga firma vodi računa da se iste obavljaju sa visokim stepenom odgovornosti bez ugrožavanja imovine i lica, a ne zavise od bilansa tenderske ponude, niti ponuđene cijene, a naveli su i da u skladu sa članom 66. stav 2. tačka e) Zakona o javnim nabavkama („Službeni glasnik BiH“ broj: 39/14) RADIS d.o.o. Istočno Sarajevo ne prima državnu pomoć.

Nakon obrazloženih navedenih razloga, može se zaključiti da je ponuđena cijena ekonomski opravdana, te da Komisija u ovom slučaju nema validnih razloga za odbacivanje obrazloženja dostavljenog od strane RADIS d.o.o. Istočno Sarajevo.

Nakon provedene **e-aukcije** te dostavljenog Izvještaja o toku i završetku **e-aukcije** od strane Agencije za javne nabavke, utvrđena je konačna rang lista ponuđača koji su učestvovali na e-aukciji i to kako slijedi:

1. IBIS d.o.o. Zavidovići**4.490,00 KM bez PDV-a;**
2. RADIS d.o.o. Istočno Sarajevo.....**4.500,00 KM bez PDV-a.**

Imajući u vidu naprijed navedeno, Komisija za javnu nabavku sačinila je Zapisnik o pregledu i ocjeni ponuda od 18.04.2022. godine te na osnovu kriterija najniža cijena, dala preporuku gradonačelnici da

se ugovor za „Izradu Elaborata geodetskog snimanja riječnog nanosa u koritu rijeke Miljacke“ dodijeli ponuđaču „IBIS d.o.o. Zavidovići“, ulica Husein kapetana Gradaševića b.b. 72 220 Zavidovići koji je nakon provedene e-aukcije dostavio najnižu cijenu u iznosu od 4.490,00 KM bez uračunatog PDV-a.

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi ugovornom organu novi Obrazac za cijenu ponude koji je usklađen sa cijenom nakon provedene e-aukcije, kako bi ugovorni organ mogao vršiti praćenje i realizaciju ugovora.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Prihvatajući preporuku Komisije gradonačelnica Grada Sarajeva donosi ovu odluku.

POUKA O PRAVNOM LIJEKU:

Ponuđači koji su učestvovali u postupku javne nabavke mogu radi zaštite svojih prava i pravnih interesa u roku od 5 (pet) dana od prijema obavijesti (odluke) o izboru najpovoljnijeg ponuđača izjaviti žalbu ugovornom organu u dovoljnom broju primjeraka.

DOSTAVITI:

- Ponuđačima

- a/a

Gradonačelnica Grada Sarajeva

